

四庫全書

史部

欽定四庫全書

史部

湖廣通志卷十九

詳校官監察御史臣陳化龍

檢討臣德生覆勘

總校官知縣臣繆琪

校對官編修臣勵守謙

謄錄監生臣于時和

欽定四庫全書

湖廣通志卷九

山川志

德安府

安陸縣

紫金山府治前一名竹塢山明一統志訛載城西二
十里

科斗山一名小鶴山縣東三十里相傳土人掘得大

小石子開匣飛翔視其落處故名

章山縣東四十里舊志豫章即今章山李白流夜郎
有寄內詩云南來不得豫章書謂此

鳳凰山縣南關外

郝甌山縣西三十里有唐甌山公郝處俊釣魚臺後
周以此名縣

石梁山連接白兆其形如梁

白兆山一名碧山唐李白讀書其下有妙濟法師寫

經臺及飛僊洞俱縣西三十里

大安山縣西六十里四面陡峭高聳傑立頂平行可
數里許周遭有泉唐許紹家此即李白婦翁也宋黃
晦叔有詩

自遊山縣西七十里西連大洪唐僧善信遊此故名
石巖山縣西八十里山有石巖晉張昌作亂於此山
織竹為鳳形衣以五彩聚肉其傍而集百鳥詐言鳳
凰降因偽建元神鳳

燕子山縣西百里形如燕巢

陪尾山一名壽山禹貢導淮自桐柏至於陪尾即此
史記正義引括地理志原載去安陸六十里又舊志
云陪尾山下居民有壽至百餘歲者故楊繪詩竟以
壽山為陪尾山

壽山俱縣西北五十里

石柱山縣北舊有石柱高二丈餘

鐵城山唐史載高霞寓大敗於鐵城疑即此山綱目

質實鐵城未詳

槎山 蔽山俱縣北四十里

月落嶺縣西七十五里山巖巉削高百餘丈熊爾良
曰每雨後夜半見月光蕩漾其巔

金峰縣西南二里石壁峭立下有金泉

虎子巖縣南十里

桃花巖縣西白兆山麓李白讀書處題詠極多

司馬巖縣西北城麓相傳溫公讀書處石上刻司馬

巖三字

洗足石縣西一里山麓有石濱湏方輿記云五代周世宗微時隱水西寺濯足於此

紫石河縣東十八里

石河縣西十里

濯水縣西北九十里出大洪山東流會於漳

涓水城西一里出大洪山黑龍池流遶城西隅南流與漳水合會襄水沔水東流至漢口入江俗稱府河

濔水縣西北五十里水出應山會於湏

龍鳳港 梅家港俱縣東

蒿橋港縣西五里

女兒港縣西六十里

三波港縣西北二十五里

孝義港縣西北三十里

沃水港縣北

七里港縣北五里

駱駝潭縣南五里

青龍潭縣西三十里湏水所經

石牛潭縣西北二十五里俗名鬪牛石舟人畏之輿地紀勝水中有石如牛湏水所經

滾鐘潭城外東北隅相傳有鐘滾於此遂成潭水遠城而西會至東三板橋入於湏

天鷲池縣北五里

龍井縣西十里

雲夢縣

葛藤山上產葛根

神山即觀音岡俱縣東北四十里

韓王岡上有韓信廟

石羊岡俱縣東北十五里

楓梓岡縣東北三十五里

落洋湖縣東十里

孟家湖縣東南十里

石羊湖縣東南三十里經劉家隔會流出湏口

鄭衙湖縣東三十里

紫雲湖縣南四十五里

楊林湖縣南五十里

臺湖縣南六十里

縣河城南十里

西河縣西二里即湏水

雲夢澤舊志云去安陸南五十里今縣治去安陸六

十里蓋安陸境山自郢阨蔓延至此乃盡而迤南數
郡大澤衍溢實自此始故以此名按寰宇記澤半在
江南半在江北其水中土丘半出杜預所謂雲澤數
巴丘湖是也酈道元謂自江陵東界為雲夢數孟浩
然詩氣蒸雲夢澤是則夾江南北皆其地矣

黃江口縣南十里

觀音灘縣西北二十里

盛家灘縣北二十五里

三眼井縣西

應城縣

高樓山縣東三十五里

京山縣西五十里山有溫泉澤中深淨如鑑聞人發聲則湯沸可以燂鷄

團山縣西北二十五里形如彈

九嶺山縣北四十里

伍家山縣東北三十五里相傳伍子胥居處

聚石岡縣北四十里

燕子巖縣北十五里

清水湖 龍骨湖俱在縣南四十里

菱湖縣南五里

三臺湖縣西南五十里中有土臺三

西河一名縣河源出大洪山

東港縣東三十里

漁子港縣南三里

湯池港縣西五十里源出玉女泉入天門境注漢至涓口
省港縣北三十里

黃家灘縣東南十里

玉女泉縣西五十里一名溫泉流為湯池港

白龍泉縣東北伍家山旱禱多應

三眼井縣署右

隨州

龍關山州東三十里

烏山州東南三十里

善光山隋帝女仙城君修靜於此

君子山居民俗厚故名

府君山俱州東南七十里

鴨兒山州東南九十里

水南山州南

隨城山州南七里峯巒特起列嶂如城因以名州

三爪山隨城山南有三阜如爪形

獨宗山州南十里

卓劍山州南三十里巉然挿天如卓劍

現光山州南八十里吳師入郢楚昭王避居于此相傳有雲罩其上光蔭於山

落石山 青林山山木蔚然青翠故名頂有古寨元末兵亂鄉人置砦禦賊保衆於此俱州南百里

大猿山州西南四十里一名大狐南都賦天封大狐即此一統志作大猿

龍居山州西南五十里隋文帝微時居此

湏山州西南七十里山川俱為湏鄉亦因之

十九山州西南九十里上有砦

大洪山州西南百八十里寰宇記四面陡險絕頂有大湖靖康間土人避亂於此相傳為慈忍盧尊者道場

龍井山州西七十里上有龍井

馬鞍山州西百里

天橋山州南百六十里下有娥皇洞

界山州西二百里明嘉靖間尚書顧璘嘗秉火行數
十里石壁云西南可行東北勿往遂返

大浪山州西北七里一名龍泉山疊峰如浪故名

香爐山州西北八十里

松蓋山州西北九十里山多大松遠望如蓋

梁皇山州西北百里昔梁皇二逸士居此

僊人山州西北百五十里遠望如僊掌

栲栳山州西北二百里或曰黃山周禮職方荆河之
浸曰滎黃山蓋其源云宋章潛有詩

赤石山州北三十里山石皆赤唐天寶間改名赫山
厲山州北四十里禮記祭法厲山氏之有天下也其
子曰農能植百穀註厲山氏炎帝也起於厲山西漢
志隨故厲國皇甫謐云今隨之厲鄉荊州記隨郡北
界有厲鄉村南有重山山下有一穴相傳神農生
此即以此為神農社年常祠之

碁盤山在神農洞左頂有古垣址傳云神農下碁於此遺子於土或圓或方人常拾得故名

塔兒山厲山旁支

雷公山頂左有泉一泓號白龍池右泉一泓號黑龍池山上有洞俗傳雷公藏於此俱州北四十里

歷山州北六十里相傳舜耕處

驢泉山州北九十里山上有池大旱不涸昔有神驢出其中荊州記驢泉山石鹵潤牛馬經過貪其味甘

不能去

大義山州北百五十里周環百里民居其間貧富共相取足有義風故名

田黃山舊傳昔有田黃二隱士居此

田下山山頂有田出泉灌溉俱州北百七十里

太平山或名胎簪最峻東北諸山皆宗之淮水出其下北流入桐柏按蔡註亦言淮水出胎簪山

風山頂有風聲即雨

晃山一名礦山上有延福禪院世傳洪山祖師擇修道之所以足踏山動搖故名俱州北百八十里

四龍山 界牌山俱州北接唐縣

五水山州東北八十里

石女山州東北八十五里有石如女子狀

鸚鵡山州東北百五十里形似鸚鵡故名

獬豸山晏公類要獬豸山在隨州山有此獸昔人射之不中棄豸而去故名

走馬嶺州西北四十里世傳關忠義乘馬至此踏石
跡存

太平嶺州北百八十里頂上有太平寺因張子房修
道於此像祀之

九里岡州西十里

娥皇洞洪山西北

神農洞州北厲山荊州記山有二穴神農生處

浮纓河州西一里昔劉太保領兵渡此纓落於河故名

聖水河州西八十三里

魯城河州北百一十里昔魯肅過此愛山水幽麗築
城休夏垣址四門猶存

扶恭河從栲栳山流入州達安陸界合漢流

石魚河大洪山下

漳水州東三里源出大洪山沈括筆談清濁相揉者
為漳章文也漳與潏水合流色如蠙蜎十里方混故
曰漳

浪水州南四十里源出大孤山

均水州西四十里

澁水州栲栳山汪家店東南與魯城河會於唐縣鎮
至治西安貴會澁水入湏左傳楚除道梁澁營軍臨
隨即此一名槎水西魏改澁西曰下澁

澁水州西北南流入湏水水經注澁水出桐柏山之
陽又東南流於澁西魏置澁西郡以此
暖水出大洪山下入湏

忤水州東北百五十里其水逆流故名

黿潭 雲潭俱州東南六十里

夜光池 隨侯救蛇得珠處

白龍池 大洪山南

黑龍池 大洪山北即湏水源也泉穴極深

龍井 大浪山

九井州北厲山山有兩重塹中有九井相傳神農既育九井皆穿

應山縣

應山輿地紀勝在縣郭外縣以此名東南有應臺山
山當縣治頂平如印又名應臺

孔山縣東三十里一名洞山山有洞穴每大風起穴
先有聲

覆手山縣東六十里一峯五澗望之狀如覆手

禮山縣東八十里梁於此置禮州齊置禮山關隋又
置禮山縣

大城山縣東百里上有古城寨

凍山縣東南四十里一名蜂兒山宋元豐間太守滕甫自卞赴官路經此無風雨而寒甚故名

吉山縣南三十里有南吉北吉山之陽即古吉陽縣也

壽山縣南五十里巔有室僊關帝二祠麓有龍泉萬安普照五龍等寺如意壽泉等菴山下之民常有壽至百餘歲者李白謂其攢吸雲雨綱紀四方云

蔽山縣南五十五里屬安陸

合髻山縣西南三十里兩山如合髻然

三鐘山輿地廣記縣西五里山有三堆如鐘之垂俗
名團山有五色石如龍形自山上蟠屈至於澗底
石井山縣西三十里

洞庭山縣西四十里郡縣志中有一穴深不可測
筆山 峯子山俱縣西四十五里

將軍山縣西六十里馬平港北

鐵城山縣西北四十里石色如鐵其陰有古寨

香爐山縣西北六十里以形名

四望山縣西北百里山高可周望四方

杏仁山縣北二十里

石龍山縣北三十里荊州記永陽縣石龍山出石斛
如金釵

兜鍪山以形似名

興安山俱縣北四十里

高貴山縣北六十里接平靖關山頂有石如龜山上
有靈濟祠前有聖水井嘗有白龍見

花山縣北百里接信陽州

橫山縣東北二里

會龍山 牛心山上有寨俱縣東北七十五里

松子山縣東八十里地名新店

望城岡縣東五里

塔兒岡縣北五里

仙人洞縣北四十里

東河一名方家河縣東三里

白沙河自山懸而下入湏水

中界河逕太平鎮與上三水合流入廣水俱縣東三十里

黃沙河縣東五十里合廣水

大洪河縣西南三十里

界河縣西南六十里

汶水河縣西入方家河

漢東河縣西四十里

汶水縣城外自西北逕城而南

馬平港縣西南六十里漢東大洪馬坪三水會為潒水

荊州府

江陵縣

擲甲山城西北隅相傳呂蒙襲荊城內軍士棄甲於

此上有關聖祠

岳山城東五里

龍山西門外附郭晉書桓溫同參佐九日宴此風吹
孟嘉帽落嘉不覺溫令孫盛作文嘲之嘉應聲而答
四座嘆賞後人於其側建落帽臺李白詩九日龍山
飲黃花笑逐臣醉看風落帽舞愛月留人按龍山郡
志載附郭而縣志注八嶺山又曰蜿蜒若游龍或云
即龍山也况落帽臺現在八嶺山旁尤為足據附郭

之山寺亦好事者踵而成之與

太暉山城西五里自八嶺山至此長岡綿亘上建太
暉觀觀前虬松偃蓋長橋跨水踞一郡勝槩

西山縣城西晉書王子猷為桓溫參軍以手板拄頰
云西山朝來致有爽氣

八嶺山城北四十里蜿蜒若游龍張居正詩笙鳳
度雲迴仗影洞龍銜雨聽松聲

紀山城北四十里府之鎮山也西北與當陽諸山相

接昔智者禪師卓錫於此上有龍湫

畫扇峯城東安瀾門外一峯迴然遠而望之如畫扇然

諸倪岡縣東三十里五代高季興以將軍倪福可有功分賜土田子孫世居守之

高陵岡縣西二十里梁孝宣二公主塋此

大江縣南七里源出蜀之岷山歷歸州夷陵宜都枝江松滋經本縣而東過公安石首監利至武昌與漢

水合流今縣境吳河柘林倚南倚北等湖皆江水之或
流或滙者盛弘之云朝發白帝暮到江陵其間千二
百里雖乘奔御風不加疾也

羅湖縣東五里倚有羅臺

柘林白沙湖縣東十里多魚

瓦子湖縣東五十里水面空濶無風亦濶一名長湖
倚南湖縣東九十四里

倚北湖縣東北一十里

蓼臺湖縣東百二十里三湖之一隅也傍有楚平王墓

西湖縣西十里子城之西亦有西湖故遼邸別墅

高沙湖縣西北七里齊聘士文範家此

赤湖縣西北十五里盛弘之云昭王十年吳通漳水灌紀南城入赤湖進灌郢州又晉桓玄挾帝西幸劉毅等追斬其黨血流水為之赤故名

東湖縣東北五里廣袤數十里一郡勝槩今涸為田

地

漕河縣北四里晉元帝時鑿自羅堰口入大漕河直通襄漢今草市河是

龍洲縣西南江中週三十里一名龍陽洲晉李衡隱居種橘址存

鶴澤縣境羊祜鎮荊州澤中多鶴取以教舞娛客

五色潭西門外水氣上浮時成五色淵渟鏡淨晶焉冲照亦謂龍潭相傳下有九牛三鑊禁遏水災上有

龍祠

黃潭縣東南大江逕此以隄為郡邑之障水勢衝激潭深不測此隄最稱險要防禦極難為力

白龍潭縣北四十里潭石黯黑相傳中有伏龍歲旱取水祈雨輒應

感通泉東門草市嶽廟內祈神者以紙錢投之誠則沉否則浮元人覆亭於上名曰感通

高氏井子城內五代高季興後苑之井

八角井城東下有海眼通江觀泉水之增減識江流之消長後人作石塔鎮之

九陽井東門外景明觀內相傳呂仙煉丹處

澆花井潛確類書井在縣東南章臺寺內傳為楚靈王所鑿按章華臺即楚離宮又謂之豫章臺西北有豫章岡因以為名

公安縣

太歲山縣東六十里邑地勢卑下此山戟地而立連

起岫巒其中峯最高名曰太歲碑

黃山縣東南七十里中峰高矗平地三里許每旱雲
出山頂則雨界石首安鄉之交三縣皆望祀之於邑
在巳方學宮官署俱指為文星天馬一名金峰山上
有祠祀宋縣令謝麟旁有雲井玉井二井相貫旱祈
輒應時人名為金峰玉井

洋港湖縣東三十餘里

重白湖縣東四十里

蒲家湖縣南三十五里

責紀湖縣西二十里

軍湖縣西北二十五里

神油湖縣北二十餘里茅穗鄉府碑載指水為油事
相傳智者遺跡

柳浪湖舊縣西南湖中高阜數十畝皆種柳每春夏
之交濃陰遮樾午無曦陽中有柳浪館為袁宏道別
業

白蓮湖距舊城三里數十頃皆白蓮風香花色蕩漾
數里鄒司徒文盛莊也

虎渡口支河在縣東大江自虎渡口支分而南入縣境
逕港口會孫黃河便河之水東過焦圻一箭河至滙
口入洞庭即禹貢導江所謂東至於澧也袁宏道澧
遊記酈道元注水經於江陵枚迴洲下有南北江之
名南江即江水由澧入洞庭道陵谷變遷大江獨專
其澎湃而南江之跡稍湮僅為衣帶細流然江水會

澧故道猶可考云按明虎渡口兩旁皆砌以石口僅丈許故江流之入甚細自吳逆蹂躪石盡拆毀今濶數十丈矣夏秋水漲江流奔突南水逆泛數百里汪洋浩瀚幾與大江等

油河縣東三十一里水經油水出武陵孱陵縣西界注縣有白石山油水所出東逕其縣西與澧水合水出高城縣澧山東逕其縣下東至孱陵縣入油水也縣治故城漢更名孱陵蜀漢孫夫人權妹也又更城

之其城背油向澤經又東北入於江注油水自孱陵縣之東北逕公安縣西又北流注於大江按油水在舊縣斗湖隄西舊由此入江後淤

孫黃河縣南五里西自土司天平麻寮所歷松滋經縣境孫黃渡下至港口合流南入洞庭

石浦河舊縣東一里明正統初縣令俞雍開今圯入江靈溪隋地理志公安有靈溪水沈約宋書武帝紀何無忌劉道規既至江陵與桓振戰於靈溪

劉郎浦舊縣油江渡口宋趙抃過公安詩劉郎浦上
公安渡我過高吟老杜詩煙浪幾重江幾曲算應風
物似當時按石首亦有劉郎浦

彩石洲舊縣東北十里湧出江心長六七里洲皆五
色石子或潔白如玉或紅黃如瑪瑙邑人常掉舟遊
飲以獲石子為優劣近益增長蓋舊城水口靈秀所
鍾也

黃金口縣東二十五里自虎渡口支分江水至此東

入茶船口合吳達河諸水為東河下至箭子溪繞黃山之麓而東入洞庭

濯足池縣南四十里相傳呂洞賓濯足於此縣志舊有碑云回道人濯足處

石首縣

龍蓋山縣東二里輿地記邑之主山也有石湫傳為龍窟每雲放則雨唐李靖擒蕭銑下江陵駐兵於此俗傳衛公夜半奉雷母檄行雨今置祠其上祈雨輒

應有司歲致祭焉

列貨山縣東三十里小港南通洞庭每水漲商賈舫艇俱艤山下

東山縣東七十里一名白鶴山七子峯鹿角峯暨建寧縣舊址皆相望

焦山縣東南六十里相傳焦公於此耀兵焦河經其下馬鞍山大南門外形如馬鞍吳陸遜與蜀戰解鞍休兵處

繡林山縣西南二里郡國志舊名岐陽山相傳漢昭烈嘗泊舟江北孫夫人於此望之一名望夫山又北有劉郎浦即先主迎婚處杜甫詩掛帆早簇劉郎浦是也

麓湖山縣西南四十里下有湖

楚望山縣西高五十餘丈上有錦幘三國紀畧孫權以妹妻昭烈駐繡林山昭烈入蜀夫人嘗登此望之故俗名望夫山

八仙山縣西二里腰有石洞舊傳羣仙憩此石枰尚存

石首山縣西北二里大江中有石孤立在北山之首縣以此名

鸛巢河縣東三里

平湖縣東十里內多蓮藕溉田亦廣民利之

萬乘河縣東四十里昔昭烈屯兵於此

披甲湖縣東六十里昭烈與曹操披甲飲馬其中

冷水湖縣東七十里

白泥湖縣東南二十里土色純白

上津湖縣東南三十五里

栗田湖縣東南六十五里

黃田湖縣南十五里土多黃色

熟田湖縣西南二十五里

田坪址湖縣西南四十五里

曹屯湖縣西南四十五里相傳曹操屯兵飲馬於此

沙湖縣西十里四面多流沙

澧田湖縣西三十里北通熟田湖

張屯湖縣西四十里張飛屯兵處

陳家湖大江北四十五里多魚民賴之

便湖縣西二里達洞庭久淤明嘉靖間知縣丘九仞
疏浚之置官倉於此輸賦者便之

龍穴水縣西五里水經大江右有龍穴水口注江浦
右逸也昔禹濟江黃龍夾舟故名

新口縣東十里

斷岡口縣東二十五里宋楊么作亂鑿岡口以通舟

院子口大江北三十里

調絃口縣南六十里

楊林口縣南三十里

西湖口縣南六十里抵公安界西通洞庭

柳子口大江北六十里

小岳套縣西大江北十五里

槎灘縣北九十里俗傳張騫乘槎過此

焦山港縣東六十里通洞庭以山得名

彭田港列貨山下水泛通洞庭

藕池縣西五里產蓮藕

廉泉井縣治前瑩潔清冷大旱不渴

監利縣

獅子山縣東一百一十里上有軒轅井昔黃帝張樂

洞庭之野曾憩此煉服者目為井云

楊林山縣東百三十里古名楊岐高不百丈纍纍數
片石林立江干勢若蜺拏虹飲山前有磯

白螺山縣東北四十里細石磷磷突起平地上接洞
庭下俯小沙洪湖皆在襟帶間與鴨欄山對峙為荆
江大關鎖往來商旅帆船鱗集

走馬岡縣北七十里相傳五代時南平王躍馬處
白灩湖 大叱湖 小叱湖 蔣師湖 小沙湖

東江湖 藤纏湖俱縣東

朱義湖縣西南十五里

蓮頭湖 南江湖俱縣西

古江湖 石頭湖俱縣西北環江入夏

蓮花湖縣北六十里

化坵湖縣北十五里

分鹽湖縣北七十里

離湖縣北百里即離湖讀騷處

爛泥湖縣北百二十里

三汭河縣東六十里

大馬長川河縣西夏水入漢周環縣之西北東會於
沔二百餘里

漕河縣西靈王築章華臺漕運所通

臘脂河縣北七十里陳友諒侍妾脂粉之需以此河
魚利供之

分鹽河縣北七十里荆水分流處

盛洪堰河縣北八十里通沔陽界魚利甚多

朱家河縣東北今為大市

林長河縣東北三十里西岸林木最稱蓊蔚

柴林河縣東北二十里監沔交界諾水會合之處

夏水縣東南五里禹貢傳註華容有夏水首出於江
尾入於沔一謂之沱監利本漢華容地傳云尾入於
沔即夏水

上洪口縣東

柳港口縣東二十五里

蓼湖口縣東

魯汭口縣南關門東相傳魯肅伏兵於此

尺八口縣東南

黃歇口春申君故宅胡魯有過黃歇口弔古詩

錦水口縣西北四十五里即八景錦水晴嵐處

黃蓬口縣北四十里有橫河南通半頭港

毛家口縣東北二十二里夏水經流處

曹鞭港縣東二十五里曹操敗歸至此擲鞭東北四

里有趙蓋庵社前有鷄冠溝相傳關聖追操祭旗翦
鷄遺址岸北古楊一株宛若龍盤騷人往往題咏

白水池縣治前

瑞蓮池縣學後永樂庚子產苙蒂蓮明年裴綸及第
孟家池縣東一里

許家池縣東南百里其廣如湖民漁其中

縣市井縣前深丈餘味極甘美相傳井脈與化邱湖

通

松滋縣

竺園山縣東三十里郡縣志隋開皇歲有西方僧過此指謂人曰此山似吾舍衛國竺園因名

龜山縣東三十里山下有洞深不可測旱禱即應名靈龜洞

虎頭山縣南五十里高昂如虎頭

鶴山縣南八十里狀似睡鶴故名

鳳凰山縣南九十里其形如鳳

起龍山縣南高竄霄漢登臨可望數百里西有峯對
峙峯腰一石高三五大頂覆如蓋飛簷四出俗呼為
驕兒崖上有棲靈寺寺傍即磑鐘坡草木下垂前有
池名黑龍天霽則澄泓一碧將雨則煙雲四布居人
每望之以驗陰晴

程子山縣南百二十里崛起平原嶙峋壯麗相傳明
道先生遊此

文公山縣南百二十五里昔朱文公守潭州時曾講

學於此後人立廟其上額曰文公講學處

雲臺山縣南百三十里高峯秀出高數百丈每雨前
即有雲氣出其中俗名擡山

高峯山縣西南上有二池唐慧禪師棲此

九岡山縣西九十里秀色如黛蜿蜒虬曲舊有亭為
一邑勝覽昔人題云江分三峽濁山挹九岡青

秀峯縣南三里四時常葱鬱

雙劍峯縣南七十里上有煉丹臺呂洞賓所憩

走馬嶺縣南十五里漢昭烈入蜀馳馬於此

星辰洞去縣四十里洞門屹立中有龍潭深不可測
歲旱祈雨即應

僊女洞去縣百四十里洞門九重一竅極深遠燃炬
可達四五重中有流水潺然其空嵌處約高八九丈
峭石懸岩明季居民避兵於此全活甚衆

丘家湖縣東三十里

張伯湖浣市南十五里接江陵界濶二十餘里

黑淘河縣南三十里相傳宋黃山谷洗筆處

襄河洲縣東南九十里

上萊洲縣北三里

龍潭縣東十里相傳有龍潛此

蓮花池縣城隍廟後

天鷺池明湘獻王養天鷺於此今沒於江

石泉縣東仁威觀前

竹泉縣南九十里輿地紀勝苦竹寺傷宋至和間有

僧浚井得筆黃庭堅謫黔過之視筆曰此吾蝦蟆碚
所遺也其詩曰松滋縣西竹林寺苦竹林中甘井泉
巴人漫說蝦蟆碚試裹春芽來就煎

義井縣西南五十里寶教寺旁

麻山井縣西南五十五里旁有漢景帝祠

枝江縣

金雞山城內大通寺後相傳有金雞擁彩雲曬翅於
此

紫山縣南三里漢昭烈初入蜀載景帝木主息馬此
山著紫衣故名孤峯獨聳高插雲端松柏挺秀江城
第一奇觀

官木山縣西南三十里

金紫山縣西五里曉日光映山色如金紫絢耀射目
石龍口山縣西二十里以形名

羅老洞縣西南二十五里約深二里昔有羅姓者隱
此自號青城山人

石簾縣東南三里江邊有石如簾冬月水涸浮水面
登之似乘槎

石鼓縣東南十里峙立江濱高八九尺形如鼓

老鴉湖縣西一里今半為田

孫家湖縣北七十里

滄灘湖縣北百六十里

沱水源自岷山禹貢沱潛既道蔡註南郡枝江有沱
水

洲縣東五里大江中

洲洲下約寬十里

關洲洲下寬三十里

洲洲俱縣東六十里

南渚洲縣東南六十里一名羊角洲

蘆洲縣東南七十里

澌洲洋洲今合為一名澌洋洲約五十餘里在蘆

洲下

萍洲在洋洲上

百里洲縣東北六十里周百餘里梁史陸法和有異術隱此相傳縣有九十九洲滿百出王者桓玄有闕鼎之心乃漕一洲以充百數僭號未久洲尋沒宋文帝在藩邸忽生一洲未幾嗣位明嘉靖間水衝為二今名上百里洲下百里洲

董灘口縣東六十里即董市

堆烏灘縣東對江岸響如雷入蜀第一灘

礮子灘百里洲南岸

蓮花池縣治前昔傳周茂叔於此觀蓮蓮皆紅產白蓮則兆年豐

飲馬池縣南三里相傳漢昭烈關張飲馬於此

石筍泉縣東南六十里其石如筍旁有井泉

大通井大通寺內水可療疫

儒井縣學內

鐵索井城西隅昔有女曉汲見鐵索盤繞井欄懼而

歸家人求之弗得

夷陵州

東山州東五里山勢昂藏為一州之鎮

郭道山州東昔郭景純結廬於此其基尚存有一井
一鐘又名葛道山相傳葛稚川修煉處

高筐山州南四十里荆南圖志故老相傳堯時洪水
此山不沒如筐篚然俗名鷄籠山

五龍山州西十五里五峯連峙蜿蜒如龍

黃牛山州西八十里水經江水又東逕黃牛山酈道元
注曰下有灘名黃牛灘南岸重巖高崖間有石如人
負刀牽牛人黑牛黃行者謠云朝發黃牛暮宿黃牛
三朝三暮黃牛如故言水路幽深迴望如一矢名山
志山上有廟曰黃陵廟相傳山神佐禹治水有功故
立祠祀之諸葛亮有記

石鼻山州西北三十里高五百餘仞下臨江流巨石
橫六七十丈如簾箴故一名石簾後周常移州治於此

西陵山州北十五里蜀江之險始此方輿勝覽載吳
陸遜守峽備蜀處

馬鞍山州北九十里三國志漢昭烈為陸遜所敗升
馬鞍山陳兵自遠即此

明月峽州西二十里懸崖間白石如月庾信詩客行
明月峽猿聲不可聞

西陵峽州西北二十里三峽之一宜都記自黃牛灘
東入西陵界百里許山水紆曲林木高茂哀猿發聲

岩谷響應行者聞之莫不懷土

三遊洞州西北二十里明一統志唐白居易與弟行簡及元稹三人遊此作記刻石因名宋蘇軾與弟轍及黃庭堅亦遊焉軾詩云凍雨霏霏半成霜遊人屐冷蒼苔滑不辭攜被巖底眠洞口雲深夜無月

白起洞州西百十五里秦白起駐兵於此

蝦蟆碚州西五十里明一統志江之右有石大數丈類蝦蟆其上出泉陸羽品其水味居第四宋黃庭堅

云從舟中望之頤瑱口吻宛然陸游詩巴東峽裏最
初峽天下泉中第四泉

浣紗河州西秋冬間水色淨麗若浣紗然按藝文志
以伍員浣紗女事載入似非

赤磯州西北五里步闡築城之所東會大江

青草灘州南十五里吳俞彥詩青草灘長雲滿渡紅
花套遠水含煙

查波灘州西八十里宋寇準赴巴東見水中有人裸

體挽舟詰之曰我灘神公異日當大用故來擁護耳
以錦袱授之被體而去

虎頭灘 鹿角灘 狼尾灘俱州西三峽中唯此數
峽最險

使君灘水經注江水東流經羊腸虎臂灘楊亮為益
州刺史過此覆舟人懲其波瀾故名

洗墨池州治東晉郭璞註爾雅嘗於池洗硯宋蘇軾
亦嘗學書於此

姜詩井州舊無井相傳姜詩寓此事母至孝母好飲
江水舍旁忽湧泉味如江水甚甘一名甘泉
神泉井州小南門內明正德中參政鍾文俊平蜀盜
至州以城中無井鑿此

宜都縣

虎牙山縣東大江北岸狀如虎牙昔公孫述遣將依
此作浮橋拒漢下有虎牙灘又名武牙宋歐陽修詩
醉裏人歸青草渡夢中船下虎牙關

石羊山縣東三十里高一百八十餘丈山畔白石伏地如羊

龍輦山縣南十五里

三台山縣西十五里

大梁山縣西五十里峯凌霄漢可以遠矚

宋山縣西北二十里嶺峯懸崖常有雲氣

荆門山縣西北五十里大江南與虎牙山相對唐陶

雍詩兩崖開盡水迴環一葉纔通石罅間

丹山袁崧記郡西北陸行四十里有丹山山間時有赤氣籠蓋林嶺

走馬嶺縣東四里吳陸遜窺蜀曾習馬於此

明星嶺縣南三里傳有明星隕此

界嶺縣北六十里山勢綿亘為夷陵當陽交界

仙女洞有二一在石羊山一在馬鬃嶺下

石門洞縣西四十里洞門深邃潭深莫測旱禱則應桃子洞縣西四十餘里石竅出水洞口曾有桃數株

故名

漢洋河縣西十里發源天正山經漁洋關至夷水下
會清江入大江

雲池大江中水洄則見

五眼泉縣西二十五里水泓深清澈味甚甘美

無盡井縣東五里

僊井縣北二十里宋山下旱禱輒應

遼安縣

雲夢山縣西南六十里崔巍高拔上有演武峽召將
臺諸古蹟

鳴鳳山縣西十五里峯巒高峻秀麗甲諸山上有石
泉清冽可愛相傳邑令侯鳴鳳避亂於此因名

鹿溪山縣西北十五里梁居士陸法和云著脚名山
多矣未有如鹿溪幽邃者遂栖隱焉

百井山縣西北百里山高廣多井迤西有深壑茂林
亭子山縣北五里

鳳凰山縣北十五里九域志唐韋臯為令時鳳集於此

白馬山縣北三十里唐書縣有神馬山本白馬山天寶元年更名山阿有漢高帝廟

招僊巖縣北十五里鹿苑寺傍多仙蹟

仙女洞縣東十里有泉出九子溪

老龍洞縣東十五里山高洞深有石崖石門石牀之異

鬼谷洞青溪寺迤西十里洞門高濶內有石龕相傳
鬼谷子講易之所

觀音洞縣西十五里石壁峭峙奇拔可愛

甘霖洞縣西二十里有泉東流過新城北又東為石
洋河入沮水

洪巖洞縣西五十里洪巖寺後有泉灌田千畝

呼兒洞縣東北三十里甚高峻深不可測

官湖舊縣一里水極深

香橋湖縣西六十里源出百井山

規水口縣北八十里源出雞頭山石穴中土人作規
引水灌田南入於沮

大漢口 小漢口俱縣北三十五里高巖絕壁下有
小徑通荊州相傳關聖於此拒曹

將軍灘縣西十里

聖泉井 滌心井俱縣學內

聖水井在太平山俗名石井

湖廣通志卷九

欽定四庫全書

湖廣通志卷十

山川志

襄陽府

襄陽縣

鳳凰山縣東五里梁武帝立寺其上今廢

白馬山縣東十里有白馬泉晉習鑿齒居焉因名
習家池後山簡日飲其上更名高陽池南雍州記每

年三月三日刺史楔飲於此

谷隱山縣東十三里習鑿齒隱此一作穀隱

玉山縣東三十里

鹿門山縣東三十里漢光武夢蘇嶺山神命習郁立
神祠刻二石鹿夾道口故名漢龐德公唐龐蘊孟浩
然皮日休俱隱於此

陽橋山縣東五十里近橋故名春秋傳楚為陽橋之
役

虎頭山縣南三里山上有漢昭烈濯筆池金史烏珠
駐馬此山築鹿門新城等堡

鳳山縣南五里唐書孟浩然傳樊澤曾為刻碑鳳林
山南即此

峴山縣南七里襄陽耆舊傳晉羊祜每登此山置酒
嘗謂從事鄒湛曰自有宇宙便有此山由來賢哲登
此山者多矣皆湮滅無聞對曰公德冠四海聞望當
與此山俱傳祜歿襄陽人感其德立祠刻碑於其上

唐孟浩然有詩

山在縣南十里下有習家池上有望海亭

匾山在縣南十里

百丈山縣南三十里舊傳有麝香獸棲止劉表嘗遣人採藥遇坎穴得麝香數斗如石蓮馨香芳馥非人間所有元兵逼襄陽宋來興國以百艘侵百丈山即此

龜山縣西南五里括地志襄人上巳日來遊多臥其

上謂可免災

望楚山縣西南八里舊有三名曰楚山馬鞍山筴山
圖經秦與齊韓魏攻楚方城秦君登山以望楚因名
一云宋武陵王駿屢登陟以望見鄢城改今名晉劉
弘山簡九日嘗登高於此

募旗山縣西南十里相傳昔有兵卒於此募旗故名
或云其形似旗其山起伏九里又名九里山

伏龍山縣西南二十里宋曾鞏知郡事嘗禱雨於山

有應

桃花山縣西南二十五里舊傳山有桃千樹故名

襄山縣西五里以水駕山而下故名

七里山 大城山俱縣西七里

阿頭山縣西十里下有曲隈相傳昔鄭交甫遇仙女解佩處

萬山襄沔記以峴山萬山紫蓋山為三峴

馬鞍山即劉弘山簡宴處在縣西四十里

隆中山縣西三十里有隆中書院遺址即孔明讀書處有十景曰三顧堂六角井古栢亭躬耕田梁甫岩控膝石老龍洞小虹橋半月溪野雲庵

土門山縣西四十里其形如門

鶴子山縣西五十里近鶴子川故名

獨樂山縣西北六十里水經沔水又東徑樂山即此孔明每登遊好為梁父吟

方山縣西北下水曲之隈乃漢女昔遊處張衡南

欽定四庫全書

海虞通志
卷十

都賦遊女弄珠漢臯之曲卽此

紫蓋山縣西北五里宋改名中峴山

柳子山縣北七里

陳庄山縣北三十里

梅林山縣北四十里

謝公巖縣西南五里昔謝希逸遊此故名

峴巖縣西南七里

楚巖縣西南十里

黃龍洞 風洞俱縣南三十里

白馬洞縣南

闕

鹿門洞縣南三十五里

僊女洞縣西北三十里

碧雲洞縣西五里檀溪南

漢江由均州歷光化縣西北里許別入穀城縣徑繞本縣又經宜城東四里入安陸府境

淳河縣東三十里

滾河縣東六十里

唐河縣東二百里源出河南南陽府唐縣入漢江

清泥河縣西北三十里

七里河縣北七里東流入白河

白河 清河俱縣東北十里

泥河縣東北九十里

襄水縣西北五里源出柳子山北流為檀溪南流為

襄水又名涑水

檀溪縣西十里漢昭烈乘的盧過此彭年林水錄云
溪水出自鴨湖北經漢陰谿之陽為徐元直崔州平
故宅習鑿齒謝安書每省家舅於檀溪念崔徐之
交未嘗不撫膺躊躇惆悵彌日

五娘子洲縣東五里

蔡洲縣東漢水中後漢蔡瑁居此

虎尾洲縣南三十里

解珮渚縣西十里鄭交甫遇江妃解珮處

斬蛟渚縣北郡守鄧遐斬蛟處

鐵窗口府城西北四里樊城西

田塋港縣東南三十里

隆盛港縣東南四十里

沙河港縣南四十五里

土山港縣南五十里

石牌港縣西三十里

竹篠港縣北三十里

黃龍港縣東南四十五里

峴潭縣南

魚浦潭縣南八里

沉碑潭縣西北五里南部新書晉杜預南征紀功勒
為二碑一立萬山上一沉萬山下潭中

萬人潭萬山下

黑龍池縣東五里

習家池縣南八里襄陽記峴山南習家有大魚池山

簡每臨此輒大醉歸曰此我高陽池也城中小兒歌
之曰山公何所往來至高陽池日夕倒載歸酩酊無
所知

濯筆池縣西虎頭山上漢昭烈濯筆於此

白馬泉即習家池縣東南十里

甘泉縣西南七里峴山上

飲馬泉縣西南十里

孝義井縣城內以唐孝子尹怱得名

韓公井唐韓思復傳襄州有昭王井傳言服者死人
雖渴不敢飲韓朝宗移書謝神自是飲者無恙人便
號韓公井

王祭井在習家池杜詩應同王祭宅留井峴山前
葛井縣西二十里

宜城縣

毓秀山儒學後

五車山縣東二十里俗傳有龐德公舁金棄此山下

鷄鳴山縣東三十五里相傳真武遊此值鷄鳴故名
兩乳山縣東三十里有龍潭古寺兩山如乳狀
兩耳山以形似名

天龍山俱縣東四十里有天龍坑

卧牛山縣東五十里

南泉山縣東七十里山南有泉

鐵砧山縣東八十里

偏頭山鷄鳴山東

赤山縣東南五十里土石皆赤下有深潭相傳呂尚嘗釣於此名釣魚洞

覆船山縣南四十里

鳳凰山縣南四十四里

鷄子山牛心山南上有風洞

牛心山縣西南二十里

女冠山縣西南二十五里

紫蓋山縣西里許

萊公山縣西二十五里土產仙韭故名

石梁山縣西三十里上有龐德公祠

蚌山縣西三十五里山形似蚌

王家嶺縣東里許

走馬岡縣東南六十里

赤湖岡縣南五十里

古羊岡縣西北四十里

夫子堙去城四十里相傳夫子曾遊此

上滴水巖五車山下有伍子胥廟

下滴水巖赤山下

卧虎巖縣北

僊人洞赤山半巖濶丈許相傳有仙居此

臭湖故襄城東

楊柳湖縣東一里

泰山湖縣南一里

石子湖縣南四十里

天鵞湖縣西十五里

糠皮湖縣西北七里

磨珠湖縣北二里相傳有龍磨珠於此

長渠縣西四十里曾鞏記荆及康郎楚之西山水出二山之間秦白起攻楚壅水為渠以灌鄢即此

潘家河縣東七十里

蠻河縣西南四十五里發源房縣界經南漳入縣西南至破河腦入漢江按春秋時名鄢水左傳楚屈瑕

伐羅及鄢亂次以濟是也後曰夷水水經所謂漢水
又南逕宜城縣東夷水注之是也又其後曰蠻水酈
道元謂避桓溫父名故改曰蠻水

交子灘在破河腦因蠻河水出漢二水交流故名
灌子灘縣北二十里

連四洪灘灌子灘下一灘四洪相連

拖鎗港縣東十里

陰港 朱家港俱縣東三十里

王成港縣東五十里

清水港縣東南十五里

練港縣東南四十里

龍潭港縣西南里許

毛家港縣北二十五里

蓮花池去縣里許報恩寺前

洗馬池縣東南六十里相傳關忠義洗馬處

龍池縣南十五里韓愈宜城驛記所謂白起堰是也

月牙池縣西二十里

金沙泉縣東二里其水造酒甘美世謂宜城春又名
竹葉春今塞梁元帝詩宜城醞酒今朝熟停鞭繫馬
暫棲宿溫岐詩宜城酒熟花覆橋沙晴綠鴨鳴交交
皆咏此

珍珠泉縣東七十里入漢江

南泉縣東九十里入漢江

雙池泉縣西南二十里

甘泉井縣城中

杜康井縣東

關王井縣東六十里

八角琉璃井縣南二里

林公井縣西門外

朱公井縣西倉邊

千佛井報恩寺北

南漳縣

玉溪山縣治前其峯高峻有溪水聲淙淙如玉佩故名

舞旗山縣東三十里

八疊山縣東南六十里晉司馬懿鑿山開道屈曲八疊

四望山縣南三十里一名太府山東望襄陽西望房陵南望荆門北望穀城皆見故名

清溪山縣南六十里其山高峻東有泉郭璞嘗遊此

賦詩清溪千餘仞中有一道士

老鴉山縣南七十里上接文陽洞下接三泉山周迴四十餘里洞險峻幽深人不可近相傳神農所居禱雨有應

鳳凰山縣西三里

十會山縣西十五里

雞頭山縣西百八十里北臨漳水一名臨漳山

荆山縣西北八十里通典南漳漢臨沮地有荆山相

傳周卞和宅上有抱璞巖左傳昭四年司馬侯曰荆
山九州之險十二年右尹子革曰昔我先王熊繹辟
在荆山寰宇記荆山頂上有池喬松翠柏列繞其旁
羊角山縣西北百二十四里

司空山縣西北百三十里

七里山縣北五十里

一鍬巖縣西南里許

僊女洞荆山上抱玉巖東去縣八十里

聖馬洞縣西南一里有石室可容三十人舊傳有白馬飲水其中故名

筭石縣北五十里石門寺內石上生成玉兔望月又生筭紋數莖

清涼河縣東十二里源出西溪洞與蠻河合
漳河縣南百三十里其水由當陽境入漢江

蠻河縣西南一里發源自房縣經南漳入宜城西南六十里入漢江

沮水縣南五十里王祭登樓賦倚曲沮之長洲即此
潮水縣西百里水一日一朝

珍珠池縣西南二十里人於池旁蹴嘯則四圍水湧
如珠

一椀泉縣西二百里

三湧井靈泉寺內晉時僧聰達見此井祝曰吾教若
興水湧者三果如其言故名

棗陽縣

武王山縣東五十里唐書地理志舂陵有霸山即此
相傳楚武王遊獵處

赤眉山縣東八十里傳赤眉嘗軍此地名北寨

資山縣東南六十里深邃濶遠可以耕種脩篁大木
環山之民皆資焉故名

獅子山縣南四十里上有漢光武廟

無量山縣南七十里

青山縣西南六十里

潯源山縣西南七十里上有二石名東西石虎

大阜山縣東北五十里上有仙人曬藥臺洗藥池
椒山縣東北六十里上有寺

甘泉山縣東北七十里地肥而水甘故名

九十九岡縣東北二十五里宋邢居實詩岐路劇羊
腸重岡九十九

華陽河縣東四十里

白河縣南四十里

中河縣南五十里

沙河縣西南一里元張翥詩沙河岸邊秋草白即此鎮北河縣北八十里

潯水縣東五十里西流入漢江西魏置潯河縣以此潯水縣南三十里源出潯山漢張衡南都賦滄澧潯潯是也

蔡子池縣北半里相傳漢蔡倫造紙池

汝泉縣南八十里

義井縣西北七十里

穀城縣

赤山縣東南八十里丹崖壁立下臨漢水故名

永安山縣東南九十里

老軍山縣南十里

高亭山縣南十五里上有高臨廟

屏風山縣南五十里相傳白玉仙人得素書於此

金牛山縣南八十里唐廣德寺鑄鐘以牛負之路經

於此故名

薤山縣西南八十里山有孤竹三莖三年生一筍筍成竹枯代謝不已每諸山雲起此山無雲終不雨人以為驗

倒驢山縣西九十里高峻險絕行者驢每倒死故名開林山縣西北四里漢蕭何子封筑陽侯建國此山下

穀山縣西北十里有古穀城即春秋穀伯綏舊國又

有穀神山在縣西十里上有石城

界山縣西北百二十里

黑水河縣東六十里

白石河縣西南三十里中有白石

黃土河縣西南三十五里

乾漢河縣北五里

古洋河縣東北一里

粉水在縣南雍州記云蕭何夫人於此漬粉鮮潔異

於衆水故名時人呼為粉清河又俗稱南河東南入
漢江

沅漕洲縣東五里

小樊洲縣南七十里

卧牛池縣南八十里

古靈泉縣南五十里古靈寺旁

靈泉廣德寺後

光化縣

馬窟山縣東五里中有石窟荊州圖記漢時有白馬
數匹從此窟出形小似滇池馬故名

固封山縣西北十里本名崇山唐改今名

三尖山縣西北六十里盤折幽邃抵河南南陽府境
牛頭山縣北五里今名麒麟山

杏兒山縣北七十里多產杏

萬堰河縣東南三十五里

陡溝河縣南三十里

泥河縣北十里

龍潭縣西北五里

黑龍潭縣北五里

均州

烏頭山州東三十里

大觀山州東南三十五里

小觀山大觀山下

大嶽太和山州南百二十里水經注武當山一曰太

和山亦名參山又曰仙室荊州圖副記山形特秀異
於衆岳峯首狀博山香爐亭亭遠出藥石延年者萃
焉晉咸和中歷陽謝允舍羅邑宰遯於此故亦曰謝
羅山其峯最高者為天柱昔真武曾棲止修煉於此
後人謂非玄武不足以當之更名武當其紫霄南巖
舞龍真慶舊有宮元末燬於兵明永樂中改今名建
太和南巖紫霄舞龍玉虛等宮觀天柱巔冶銅為殿
範以泥金恢宏壯麗副於五嶽嘉靖間賜名元嶽周

八百餘里為峯七十二巖三十六洞三十四臺五井
五泉三潭十四天門三洞天一福地一

石階山太和山內一名華嶽地肺

寶蓋山 赤山 龍山 砲山 元望山 橫山

黃峰山 廟塚山 大界山 小界山 二隴山

大龍山 康家山俱太和山七十二峯外

鶴鳴山太和西

外朝山太和後外向

遠山州西北二十里

方山州北十五里

冷水山州北三十里上有泉性冷味清

天柱峯 顯定峰 萬丈峯 獅子峰 皇巖峯

中筆峰 紫霄峯 雷石峰 貪狼峯 巨門峰

祿存峯 文曲峰 廉貞峯 武曲峰 破軍峯

中笏峰 千丈峯 大蓮峰 小蓮峯 大筆峰

小筆峯 落帽峰 白雲峯 紫蓋峰 松蘿峯

桃源峰 隱仙峯 疊字峰 金鼎峯 伏龍峰

舞龍峯 靈應峰 陽鶴峯 健人峰 太師峯

太傅峰 太保峯 始老峰 真老峯 皇老峰

玄老峯 元老峰 僊人峯 隱士峰 大名峯

中鼻峰 聚雲峯 手扒峰 竹篠峯 槎牙峰

竈門峯 九卿峰 伏魔峯 玉笋峰 拄笏峯

大鼻峰 把鉞峯 丹竈峰 天馬峯 鷄鳴峰

鷄籠峯 眉稜峰 復朝峯 香爐峰 九渡峯

展旗峰 金鎖峯 青羊峰 七星峯 繫馬峰

會仙峯 茅阜峰以上俱均州太和山計七十二峯

九里岡州境

玉虛巖 太子巖 崇福巖 滴水巖 靈應巖

靈虛巖 紫霄巖 卧龍巖 尹喜巖 隱仙巖

太上巖 沈仙巖 歛火巖 黑龍巖 白龍巖

黑虎巖 風巖 皇后巖 白雲巖 三公巖 朱

砂巖 天馬巖 藏雲巖 隱士巖 雲母巖 楊

仙巖 常春巖 集雲巖 書字巖 謝天地巖

北斗巖 昇真巖 碧峯巖 九卿巖 雷巖 僊

龜巖以上俱均州太和山計三十六巖

白龍洞 雷洞 桃源洞 花花洞 試劍洞 磨

鍼洞 試心洞俱太和山

澮河州南六里

浪河州南九十里

響河州北十里

趙峪河 西河 嵩口河 梅溪河 白浪河 溜

河 小溜河 黃沙河 屈原河 界河

均水州東漢地理志丹水東流入均水

滄浪水按易氏曰均州武當縣西北四十里水中有
滄浪洲又名滄浪水蓋漢沔合流即禹貢又東為滄
浪也

中洲州西北五里

滄浪洲州東北四十里

浮洲

亂石灘州東南十五里水中亂石簇立如鉞

石門灘州東南二十里

磨鍼澗州太和山北相傳真武修煉久之未契亟欲
出山至澗遇老嫗操鐵杵磨鍼問曰難乎嫗曰功至
自成真武大悟

黑龍潭太和山紫霄澗中

白龍潭在太和山

天池 太乙池 蒼水庫池 上善池 上龍池

煉丹池 飲馬池 日池 月池 俱太和山

白花泉在太和山 甘露泉 益人泉 烈士泉

金泉宋王齊有記 參斗泉相傳二星所臨

龍井在太和山

甘露井太和山玉虛宮內

鄖陽府

鄖縣

滄浪山縣城山橫似舟產古松三株下有聖水寺

龍門山縣東九十里兩巖對峙如門水從中出可通
楫

古塞山縣東南八十里戰國時楚城此以備秦今名
大塞山

天馬山縣南二里又名天馬崖舊傳崖裂出天馬王
三字

寶蓋山縣南三里又名西山上有石蝦蟆倉卒視之

了不能辨山北有崖旁視之一穴甚明號星牖

羊尾山縣西百五十里

白龍山縣西二百二十里上有石盤如龍

鴉鵲山縣西北二里

三臺山縣西北八十里

錫義山縣西北百八十里一名天心山道書福地記
天心之山方圓百里四面有門上有石壇相傳列仙
所居山高谷深多產蘅其草風至不動風靜反搖

黎子山縣北七十里

斧山縣東北二十里

雷峯山縣東北六十里

風火山縣東北六十五里

石鷄山縣東北七十二里

紅巖縣東南二里舊名赤壁龍滾灘側高峻色赤日

光霞彩朝夕掩映為一郡勝槩云

尖巖縣南百五十里峭削屹立千尺

仙女洞縣境內

武陽洞縣西五十里懸崖深邃旱禱多應

遠河縣東五十里

龍門河縣東六十里源出龍門山

神定河縣東南二十里源出竹山縣流入漢江

將軍河縣南百五十里北與紅石河合流入漢江

堵河縣西三十里

趙河縣北七十里西流至府東為盛水堰溉田百畝

汙洲縣東南五里

龍滾灘縣東二里相傳有龍降於此

馬嘶泉縣東北百四十里相傳漢光武屯兵處有馬
忽嘶於地掘之得泉元至正間立有黑龍廟

靈源井縣明倫堂東教授林典所鑿

通益井縣東城角指揮蔡洪鑿

品字井縣前知縣戴琰鑿

胡公井縣前知府胡倫鑿

房縣

牛心山縣東二里

青峯山縣東八十里

見日山縣東百里

十盤山縣東百四十五里

倒驢山縣東二百里高險上有張果老倒驢跡

建鼓山縣東南二百里袁崧記云登勾將山見馬鬣
建鼓巍然半天元和郡國志建鼓與馬駿山相接冬

夏積雪

南山縣南三里宋陳與義避兵奔此有詩

石門山宋陳與義詩石門泄風無旦夜古木截道藏
雷雨

定山宋吳曾漫錄云房陵定山有朱仲子園三十六
所俱縣南七里

南荒山縣南十五里

阜山縣南百五十里左傳文公十六年戎伐楚西南

至於阜即此

望夫山縣南二百里

景山山海經荆山之首曰景山雁北歸必經其上因名為雁塞山寰宇記房陵有三十五溪三十四山此其發源處也

房山縣西三十里四面有石屋如房

九室山縣西四十里相傳陳搏修煉處

黃竹山縣北百里竹色皆黃

楊子山縣北百里

馬嘶山縣北百三十里最高險馬陟其巔則嘶

香耳山縣東北百里

明月山去縣四十里下有崖誌公修行處夜望光如

朗月

瑤峯嶺縣東二百五十里

誌公巖縣西四十里相傳誌公結庵處

湖溪巖縣西北十五里

八渡河縣境內源出滴水崖流入漢江旁有八河渡
馬欄河縣東三十里

南規河縣西一里

北河縣北一里

沮水縣南五里源出景山東流入漢江左傳江漢沮
漳楚之望也

粉水縣東北五十里雍州記蕭何夫人於此漬粉鮮
潔異於諸水俗名粉漬水又盛弘之荊州記筑陽縣

西有粉水源出房陵縣取其水為粉鮮潔異於錦水
故因名粉水

小湯池縣東十里青崖山下

大湯池縣東十五里土地嶺東山下四時常溫澄澈
愈痼疾瘡癬

湯泉縣東五里宋洪邁夷堅志泉中有硃砂

八角琉璃井縣西南隅上有真武廟

竹山縣

霍山縣東三里

方城山縣東四十里山上平坦四面絕固山南有城
周十餘里春秋庸地有四方城此其一也楚使盧戢
黎侵庸地方城即此

香爐山縣東南五十里

龍祇山縣南二里舊道士王若冲於此山服柏葉上昇
雞公山縣南三里

上庸山縣西南四十里上庸水源出此雄峻為一方

鎮古以上庸置邑

庸城山縣西五里庸人昔居於此上置鼓故又名懸鼓山與橫鞍山相連

筑山縣西五里筑水所出漢昭烈屯兵筑口即此馬鞍山縣西五里

鰲山縣西十里

黃茅關山縣西十五里

十轉山縣西二十五里

觀山縣西三十里

燕子山縣西三十五里

寶峯山縣西七十里

女媧山縣西九十里俗傳女媧煉石補天處下有女媧廟宋劉光祖詩女媧山下少人行洞谷聲中一鳥鳴

白馬山縣西百里水經注蜀孟達降魏文帝以為新城太守治房陵有白馬山山石似馬望之逼真達登

之嘆曰劉封申耽據金城千里而更失之乎為上堵吟音韵哀切有惻人心今水次尚歌之

聖母山縣西北三十里世傳有聖母仙登此見惡蛇舉而擲之迄今周迴四十里無蛇

中山縣西北百五十里

礪石山縣北十里舊云山有礪石其白如雪

倉樂山縣東北百五十里昔有邑人徐元周積穀於此救饑鄉人德之故名

九里岡縣北七里

魚舵巖縣西北百八十里

韭菜巖縣東北百里

霍河縣境合庸水即堵水

北星河縣北二里發源陝之白河界合水坪嶺峪觀
音溝諸水北來入庸水東注

堵水縣境一里源出陝西平利縣界下流縣東流入

漢江

筑水縣西五里源出筑山

鼇水縣西十里又名龜水其水多蛇龜邑人云莫飲
鼇谷水水中有蛇龜

上庸水縣西四十里源出上庸山南流入孔陽中有
潭相傳投石潭中雷雨即作

孔陽水縣西九十里源出檀溪嶺水宜洗物除垢應
刀劍亦甚利後周以此水名縣

秦口縣東六十里

兩河口縣西南四十里官渡柿河二水至此相合故名

一碗水縣西二十里

千尺井縣境宋殷隱容家濬井千尺無水濬者不覺至一國題云梯仙國初得道者送此修行及還家已三世矣濬者莫知所之

竹谿縣

誥軸山縣東隅

白巖山縣東三十里

馬鹿山縣東六十里

豎棋山 峒崎山俱縣東百六十里

騎牛山縣東南百二十里

大峪山 五峯山俱縣南十五里

鼓圓山縣南六十里兩山相峙南為南鼓圓北為北

鼓圓下各有洞

紅土山縣南百二十里

算盤山 白楊山俱縣南百五十里

張家山縣南百八十里

左旗山縣西三十里

望葫蘆山縣西百五里

連錢山 雞籠山俱縣西北六十里

上庸山縣北十里雄峻為一方鎮古以上庸置邑

獨松山縣北四十里

五星峯縣治前

畫屏峯縣西五里

車停岡縣南十里

椒林岡縣北四十里

白雲巖縣東十五里

鹽井巖縣南百里

風洞縣東三十里

北鼓圓洞 南鼓圓洞縣鼓圓山之南北

峒溪洞縣西南三十里

水坪河縣東三十里

縣河縣東六十里

樊停河縣東北四十里

住峪河縣東南六十里

柿河縣東南百二十里

浪河縣南五十里

南江河縣南七十里

小葛河縣南百七十里

順河 蠶河俱縣南二百里

竹谿河縣西五里發源雞山

淨峪河縣東北五里

兩河口縣東南七十里縣河與龍堰河相連又名潭口

鄆西縣

南門山縣南

黃山縣北里許

槎牙山縣東十里

石門山縣東南十五里

火車山縣東南三十里

娘娘山縣西南八十里

羊尾山縣西南百五十里

光點山縣西六十里

廣順山縣北五里

黃龍山在上津舊縣東五十里山下有洞洞有泉禱

雨輒應

趙湖山在上津東五十里

嵩山在上津南六十里

礦山在上津南百里產鐵

十八盤山在上津西百五十里高峻盤折十八盤方至其巔

周恭山在上津西北二十里昔周恭耕此

五峪山在上津北五里有五峯

磨石嶺縣南二十里

界牌嶺縣西一里以南門背峪川分東西而嶺居其中故名

觀軍嶺在上津南十五里

懸鼓巖縣西三里

滴水巖縣西三十里

觀音巖縣西南三十里

白巖在上津南百里

如來巖在上津東北四十里內有佛像

老龍洞縣西百八十里又上津南四十里亦有龍洞
娘娘洞縣西北八十里娘娘山下其泉九處出如沸
鼎垂若素練聲似震雷麓田悉資其灌溉

仙人洞在上津西百一十里內有三教神像

激浪河縣東二里

五里河縣東二里至縣前與天河合流入南門會漢水

石門河縣東南十五里空洞如門

歸仙河縣東南五十里

芋門溝河縣南五里

南門河縣南二里

七里溝河縣南三十五里

火梅溝河冷箭流河俱縣南五十里

天河縣西南一里

小河縣西門隅

麥峪河縣西北十里

黃沙河縣西北七十里源出上津縣龍山入漢水

東河縣西北八十里

五里坪河縣東北十里

八道河縣東北八十里

箭河在上津東南二十里

冷水河在上津東南八十里

八里河在上津西南三十里

愚峪河在上津西北五里

漢水在縣南五十里出嶓冢山經漢中東流至大別

入江

吉水在縣境源出陝西商縣鐵鵲嶺過縣西南百里入漢江俗呼夾河

聖鐘潭在天河內相傳有鐘飛入潭風雨則鳴

動心潭在縣西南一里其深莫測視之令人心悸

月兒潭在縣西北二十里

相公池在縣北七里宋相張士遜遊覽處

蓮花池在上津南八里

金史四
卷十
天池在上津西南百二十里上有泉並池有二畝許
不由人力

一碗泉在縣北六十里有石孔大如碗泉自中湧出
寒而清冽

惠澤靈泉在上津龍王廟前

方井在上津東關

保康縣

筆架山縣學前

蛇峪山去縣五十步一名萬朝山

三十六榜山縣東南十七里

天馬山縣南十里

石人山縣南二十五里

司空山縣南八十里

老架山縣南百里

樓鼓山縣南百二十里

馬盤山縣西南百里

冬瓜山縣西四十里

梭塞山縣西百八十里

萬安山縣西北十五里

烏呼山縣西北十五里

五臺山縣西北十里

三尖山縣西北九十里

萬連山縣北三里萬峯相連疊翠可觀

懸壺嶺縣東南九十里

深谿河縣東南百里

鷄冠河縣南百五十里

板倉河縣南五十里

湯峽河縣西三十里水溫可愈疾一名湯羊河

桑坪河縣西百里

大市河縣西百二十里

豆沙河縣西北十五里

粉青河縣北三十五里

蔣口河縣北四十五里

清溪河縣東北十五里

蘇泉縣後山下知縣蘇惠和因山前疏鑿民皆便之
遂名

直隸歸州

楚臺山舊城內楚襄王遇神女處建臺其上

卧牛山州東四里形如卧牛唐翰林李龜為刺史建
亭其上

破石山州東十五里有大石破為十字登陟咸經其間

鷄籠山州南二十里踞兵書峽口

香爐山州南二十五里以形名

龍王山州南六十里祈雨輒應

牛角山州西一里

八學士山州西十里山有八垵皆朝州治唐李矗建學士樓以對此山

野豬山州北十里在八學士山旁

相公嶺州東二里上有宋王宅址

五老峯州署前一名文筆山

銅鼓岩州南六十里懸岩上四乳突出以石擊之其
聲清越

兵書峽州東二十里漢諸葛武侯藏書處

空舫峽州東四十里自州至長陽四百里內峽水奔
流石磧險惡夏月水漲必空舫乃可上灘

白狗峽州南二十里兩崖如削白石隱狀類狗唐杜
甫詩白狗斜臨北黃牛更在東

鐵棺峽白狗峽東隋唐嘉話王果為雅州刺史舟經
此峽仰見懸崖間一棺視之骸骨存焉旁有石誌云
三百年後水漂我將及長江垂欲墮欲墮不墮遇王
果果愴然為殮塋而去

都里峽州北五十里

玉虛洞州南香溪二里內唐天寶中有人遇白鹿於

此薄而窺之有洞可容千人石壁異文成龍虎花木之狀有石乳結成物象溫潤如玉左有二小洞名青蓮水簾景極幽異

蓮花洞州南五十里中有石若蓮花

雷鳴洞叱灘中駭浪觸石聲若雷鳴

烏牛石州前江中

白馬石與烏牛石相對

鐵心肝石大江峭壁懸石如伏肝

大江源出蜀之岷山由烏山經巴東入州出夷陵

羅沱州西六十里有石可為硯

夔沱即周武王封熊繹處今夔子國地

五象溪州南十里有屈原碑嘉靖間被水衝沒

香溪州南二十里源出興山至州左入大江傳為昭
君洗粧處按康熙初年會合三省官兵攻李寇於茅
麓立塘運糧於此

九龍灘州前怪石錯出如九龍狀

新灘州東二十五里原為坦地嘉靖間山圯兩岸壁立大石橫江怒濤如雷商賈必停舟卸裝過此

叱灘州西三里水石相激如噴叱聲舟行至此多覆一名人鮐甕黃庭堅詩命輕人鮐甕頭船

蓮花灘州南三里江水湧沸似蓮花

躍金灘兵書峽北宋寇萊公過黃牛峽夫人擲金簪於水默禱河伯舟至此有鯉魚躍入舟剖之得簪洗馬池得勝門外一里相傳楚襄王洗馬處

獨清泉湧泉門外冬夏不涸清潔甘美

清泠泉州東五里水極清泠

濯纓泉州東南十里內有神蛇人穢其水蛇輒見

楚王井楚臺山北

張公井州舊無貯水處明正德間張僉事伐石甃井
人咸稱便

洗面井昭君洗面於此

長陽縣

石橋山縣東三里

蓮子山縣東四里

金子山縣南二里

紗帽山儒學案山

方山縣南三十里明一統志山四面俱方有風穴口
大如甕夏則風出冬則風入春秋分則靜袁崧云一
名風井山重源濬發北注夷水清涼浚洌異於他溪
縱伏暑之辰不敢澡濯

香花山縣南三十里

馬鞍山縣南三十五里

蘆黃山縣西南教善里外交石門界

雪山縣西南教善里外交容美界

巫靈山 寶尖山 綺黃山俱縣西三十里

石笋山縣西四十里

桑木山縣西八十里

石柱山 雲遶山俱縣西北

雞公山縣北四里

青相山縣北五十里

若葉山 櫻桃山 黃連山俱縣北五十里

龍角山清江北方域志山穴內有陰陽二石陰石常濕陽石常燥旱鞭陰石則雨澇鞭陽石則霽

桃山安寧鄉

將軍山隔江山勢雄峻崖石如帶鎧甲狀上有蘭將軍廟

望川山山勢高聳望見夷陵

東峯嶺縣東一里

馬鬃嶺縣南八十里

老鴉嶺縣西八十里

青岡嶺縣西

蒲嶺縣西百二十里

文筆峯縣東十里

高峯縣南德興里外交松滋界

掛榜巖文筆峯側峯屹懸河石色青白相間如掛榜
觀音巖縣東二里

白馬巖縣東南十五里清江之南石狀如白馬故名
雙柱巖縣南三十里

掛鐘巖縣南九十里

龍頭巖象鼻巖俱縣西十里兩巖相對

麋子巖縣北十里

赤巖縣北三十里

獅子巖縣北磨市里

仙人巖縣境內

仙人洞縣西二十里

藏書洞縣西二十里宋郭雍藏書處

聚雲洞三際和尚飛昇於此

龍門洞兩崖劍立岩穴幽邃泉瀑飛注

仙女洞清江南

石筍縣南二石若筍

百里荒橫百里縱不知幾百里深林茂箐熊虎之藪
蠻獠盤踞

清江縣治南一名夷水源出舊施州開蠻界經建始
縣境流入本縣至宜都縣入大江蜀水皆濁此獨清
驚浪灘 秋浪灘 西寺灘 石羊灘 靖安灘

龍吟灘 虎嘯灘俱縣西北

馬達溪 磨石溪 鷺溪 株木溪

興山縣

青龍山縣東草木鮮華峯巒雄秀

盤龍山縣東二十五里

仙侶山縣東三十里層峯疊嶂曲折幽靜荊州志昔
有人入山採藥愛其竹樹蔥蒨留居數載一日相挈
而出摘蘭葉化小舟泛溪水而去

天池山縣東四十五里四圍壁立一線通頂上有一
池雖旱極不涸

五指山縣東五十里五峯如指上有鐵瓦殿仙人橋

萬壽宮玉皇閣夾路石欄扳鎖而上旁有小石柱高百餘丈頂上老松數株雀巢如壘可望而不可至

高蘭山縣東六十里峯巒秀起

老君山縣西高三十里

高頭山縣西三十里一峯侵漢萬木凌雲對峙青龍拱揖羅經雖發脈萬朝山而綿亘迴繞為邑屏翰

茅麓山縣西北七十里周圍百里高三十里峻壁陡巖險阻莫比逆寇李來亨盤踞其上凡十一年康熙

三年始討平之

羅經山縣北二十里周五十里上有雙峯直干霄漢
峯迴壑轉聳青曳翠望之如兩戟然

天竺山縣北七十里峯插雲漢周圍百餘里

金紫山縣北八十里

萬朝山自老君山分派六十六峯茲山特出高五十
餘里羣山環拱萬木蒼森積雪經年未溶

建陽峽源出寧都曲折四十八渡約十餘里至建陽

村流入香溪

龍口峽縣北二百五十里

響水洞縣東五里洞門懸岩僅容人內平坦如屋冷氣襲人山後有小穴石級百步盡則平坦約方里許緣木而下有石柱數莖如蓮花蓋托之狀再進數步一石如橋懸架兩岸其下波沸如雷傳有神龍居焉屈老洞縣東五十里瀑布懸空夏涼冬溫相傳屈原讀書於此

深渡河縣西十里源出龍潭隨山曲折二百里達縣
南陽河源出當陽飛瀑如雷流三百里至縣西與深
渡河會南入香溪達川江

建陽河源出寧都曲折至建陽峽四十八渡南流至
香溪入川江

東陽河縣東五十里

點軍河縣北五十里

平水河縣北七十里

新奔灘縣南三十里

白馬灘縣南七十里

珍珠潭縣南一里相傳昭君盥水墜珠花於此

黃龍潭縣西七十里

龍口潭縣北百里周四十里水從石澗迸出即縣西

河源

白龍潭縣東北百里高山之上潭濶數十丈

龍池縣北十五里

洗墨池縣北三十里

清泉學宮後引流遶大成殿後環入泮池至觀濶門
外會香溪入大江

巴東縣

羅頭山縣東七里

七寶山縣東八十里

鐵爐山 紅葵山俱縣東三百二十里

金籠山縣東三百四十里

巴山縣南一里又名金字山一峯分三岡而下形如
金字縣治依之

桐水山縣南五十里

石柱山縣南二百五十里

高大山 虎頭山俱縣南二百里

天寶山縣南安居里

馬鞍山縣西南三里

安居山縣西南五十里

野龍山縣西二十里

覆磬山縣西四十里

雙礪山縣西三百里

畫眉山鎮南山俱縣西三百一十里

苦竹山刀尖山俱縣西三百三十里

招蜂山縣西北十里

明月山紫陽山俱縣西北四十里

石羊山三盆山俱縣西北五十里

小戒山縣西北六十里勢極高峻一道從崖間入止容一人過此則平曠可容百家昔人多避兵於此

蜀口山 長豐山俱縣西北百里

飛鳳山縣北五里

羊乳山縣北三十里

金蓋山縣北七十里

梁臺山縣北三百二十里

石門山縣東北三十五里山有石徑深若重門漢昭

烈為陸遜所破走還此門追者甚急乃燒鎧斷道得免

向王山縣東北五十里與明月山相連高大無樹木常有雲氣冬則先有雪傳古向王耕此

龍會山縣東北歸州界上有水火風三洞

青銅山去縣北二十里嘗產青銅今絕

長嶺縣東南三百一十里

長子嶺縣西南三百里

馬嶺縣西南四百二十里

仙人巖縣西北後一都

馬巖清江南後一都

破石峽縣東歸州界

門扇峽縣西大江兩峯相對峭壁如門

巴峽縣西三峽之一袁崧記巴東三峽猿鳴悲猿鳴

三聲淚沾衣杜詩即從巴峽穿巫峽

無源洞縣東五里中有溪流飛瀉如銀深邃莫測兩

岸可容萬人居民每避兵於此

羅頭洞縣東五十里

鎖洞縣西北四十里

下馬洞縣北十里

秋石洞縣北二十里

大沱石縣西北大江處歐陽修硯譜其色青黑斑斑
其文微麗亦頗發墨

將軍石長豐里石直立百餘仞

楊柳荒縣西南建始里

青電荒縣北在市里

大江源出蜀之岷山自巫山經縣屬萬流驛西瀼東
瀼牛口等處入歸州

清江河自施州經縣屬野三關桃符口南灘長灘等
處入長陽

三坝河源出九江坪一流入房縣一流入大寧一流
入西瀼溪與大江合

三潮水石間有水一日三潮

東瀼溪 西瀼溪縣東西二水入大江唐杜甫常居
此草堂址尚存

羅溪長豐里

紫陽溪 赤溪俱長豐里

八斗灘縣東十五里有二上八斗近香爐灘下八斗
近橫梁灘

石門灘縣東三十五里

清水灘縣西十里江水泛急觸而為漩舟人戒嚴於此

白磁灘縣南二百一十里

溫涼井縣南三百里

陰晴井縣南四百里井上有雲則雨無雲則晴

塔院井西嶺上去江五里江長則長江消則消消不至涸長不至溢

舊鹽井縣北八十里元置鹽課司

通幽井相傳飲此可療疾下嘗有鼓樂聲

相公井壽寧寺

恩施縣

回龍山城內昂然奇秀如龍回頭

象耳山城內一名舵樓山

龜山城內城隍廟居上

成山城內土主廟在上

連珠山縣東五峯如貫珠宋政和中封山神為嘉惠

侯與此山相接控清江之口者曰龍首山

金瓦山縣東四十里岩石鱗次類瓦而色黃

石盤山縣東四十九里項有大石如盤

天樓山縣東五十六里山勢聳拔如危樓倚天

畫屏山縣東六十里

羊角山縣東百餘里尖峯高聳天半

巾子山縣東百六十里

東門山縣東南百餘里舊有關在山之東土蠻以此

分界

文筆山縣南二里卓立如筆

天成山縣南十五里上有天生橋

金柱山縣南七十二里

翠濤山文筆山西南山石高起數十尋中有竅通北

透明俗號通明山

客星山縣西七里南連雪嶺高出雲霄

猿啼山客星山北猿啼最多宋黃知命詩大猿叫罷

小猿啼箐裏行人白晝迷春夏常積雪又名雪嶺
藥山縣西二十里下瞰麒麟溪

石乳山縣西北七十里周迴百餘里多生石乳

宜山縣西北與月臺對

赭馬山縣西北百一十二里

銅甕山縣北七十六里

都亭山縣北二百里崇岡深麓映帶左右山下多良

田廣園後周置亭州取此

飛鳳山縣北

朝陽山大田所北門外與城內山連

碧波峯縣東抱城西遶委折如波

旗峯縣北十里與鼓水俱近演武場

朝霞嶺大田所東五十餘里

瘦驢嶺縣西七十里宋黃庭堅詩艱危寧度瘦驢嶺
奔走莫隨肥馬塵

通天巖縣東八里上有竅通天下有澄潭莫測

洪巖縣南三十里

大龍洞城東十五里

影娥洞城南十五里日影水光相盪照人洞境甚異
雙城洞縣北四十五里

清江遶城而東至宜都入大江

西北江大田所西二十里有二溪合流下入洞又有
橋高十餘丈若天生然

頭渡河大田所東十里派出龍洞口流為河

萬頃湖大田所西南二百里與酉陽接界

鐵溝水城東蘇軾贈喬太傅詩城東坡壠何所似風
吹海濤低復起城中病守無所為走馬來尋鐵溝水
朝貢水縣東六十里

麒麟溪城南相傳宋雍熙中麒麟出此

黔黎溪城西南三百四十里源出北荒中

通潮溪連珠山北其水朝長暮消與海潮相通

盤龍溪清江東北

嘉蓮池縣前一名鼓角池符瑞志宋端拱元年七月
旋州鼓角池生嘉蓮

蝦蟇池縣南百二十里池多蝦蟇春水漲輒跳躍出
岸間後距先爪前趾變羽即隨衆鳥飛去土人往往
張羅得之


馬公泉縣北一里

宜泉城北味極甘美

文明井儒學內

龍岡井回龍山下景泰中鑿清冽甘美

廣利井大田城內



湖廣通志卷十